

JU UNIVERZITET U ZENICI

Na osnovu Odluke Rektora Univerziteta u Zenici: broj: 01-10-15-2183/23 od 08.06.2023. godine, a u vezi s članom 88. stav (2) Zakona o visokom obrazovanju ("Službene novine Zeničko-dobojskog kantona", broj: 12/22), članom 322. stav (2) Statuta Univerziteta u Zenici (Prečišćeni tekst) i članom 18. Pravilnika o radu JU Univerzitet u Zenici, JU Univerzitet u Zenici sa sjedištem Fakultetska broj 3., Zenica, objavljuje

INTERNI OGLAS

za popunu upražnjenih radnih mjesta za potrebe Univerziteta u Zenici

I

1. Rukovodilac Službe za finansijske, knjigovodstvene i poslove javne nabavke, 1 (jedan) izvršilac na neodređeno vrijeme, s mjestom rada u Rektoratu Univerziteta u Zenici,
2. Sekretar OJ, 1 (jedan) izvršilac, na neodređeno vrijeme, s mjestom rada na Metalurško-tehnološkom fakultetu Univerziteta u Zenici,
3. Tehničar za IKT podršku, 1 (jedan) izvršilac na neodređeno vrijeme, s mjestom rada u Rektoratu Univerziteta u Zenici,
4. Referent za poslove zaštite na radu i zaštite od požara, 1 (jedan) izvršilac na neodređeno vrijeme, s mjestom rada na Institutu "Kemal Kapetanović" Univerziteta u Zenici.

II

Uslovi:

Opći uslovi za radna mjesta pod tačkom I u smislu člana 7. Pravilnika o radu JU Univerzitet u Zenici su:

- a) da je državljanin BiH
- b) da je zdravstveno sposoban za obavljanje poslova radnog mjesta na koje aplicira
- c) da se protiv kandidata ne vodi sudski postupak za krivično djelo i privredni prijestup koji predstavlja smetnju za obavljanje poslova radnog mjesta na koje aplicira
- d) da kandidat nije osuđivan za krivično djelo i privredni prijestup koji predstavlja smetnju za obavljanje poslova radnog mjesta na koje aplicira, u periodu od pet godina prije objavljivanja oglasa

Posebni uslovi za radna mjesta pod tačkom I su:

Tačka I 1. Rukovodilac Službe za finansijske, knjigovodstvene i poslove javne nabavke su:

- a) VSS (VII stepen obrazovanja ili prvi ciklus studija 240 ECTS) ekonomskog smjera
- b) 5 (pet) godina radnog iskustva stečenog isključivo poslije sticanja stručne spreme na istim ili sličnim poslovima
- c) poznavanje rada na računaru

Tačka I 2. Sekretar OJ Metalurško-tehnološki fakultet

- a) VSS (VII stepen obrazovanja) ili prvi ciklus studija 240 ECTS) pravnog smjera
- b) 3 (tri) godine radnog iskustva stečenog isključivo poslije sticanja stručne spreme na istim ili sličnim poslovima
- c) poznavanje jednog svjetskog jezika
- d) poznavanje rada na računaru

Tačka I 3. Tehničar za IKT podršku

- a) SSS (IV stepen obrazovanja) tehničkog smjera
- b) 1 (jedna) godina radnog iskustva stečenog isključivo poslije sticanja stručne spreme na istim ili sličnim poslovima
- c) znanje engleskog jezika
- d) poznavanje informacionih tehnologija

Tačka I 4. Referent za poslove zaštite na radu i zaštite od požara

- a) SSS/KV (IV/III stepen obrazovanja) tehničkog smjera
- b) 6 (šest) mjeseci radnog iskustva stečenog isključivo poslije sticanja stručne spreme na istim ili sličnim poslovima
- c) poznavanje rada na računaru

Kandidati za radna mjesta obavezno prilažu:

1. Prijavu na oglas
2. Kraću biografiju, kontakt telefon i adresu prebivališta,
3. Izvod iz matične knjige rođenih,
4. Diplomu o završenom obrazovanju,
5. Uvjerenje ili potvrdu kao dokaz o radnom iskustvu na istim ili sličnim poslovima,
6. Uvjerenje ili potvrdu kao dokaz o poznavanju rada na računaru,
7. Uvjerenje ili potvrdu kao dokaz o poznavanju jednog svjetskog jezika Tačka I 2., Uvjerenje ili potvrdu kao dokaz o znanju engleskog jezika Tačka I 3.,
8. Ukoliko kandidati imaju posebna priznanja ostvarena u toku školovanja ("učenik generacije", "zlatna značka" i sl.) dužni su priložiti dokaze o istom
9. Ukoliko kandidati pripadaju kategoriji lica iz člana 15. Zakona o dopunskim pravima branilaca i članova njihovih porodica ("Službene novine Zeničko-dobojskog kantona", broj: 1/14) i člana 14. Zakona o pravima demobiliziranih branilaca i članova njihovih porodica („Službene novine Federacije BiH“, broj: 54/19), dužni su priložiti sve potrebne dokaze o ispunjenosti uvjeta za ostvarivanje prava iz navedenih članova Zakona

Opis poslova za radna mjesta iz Tačke I predviđen je Pravilnikom o unutrašnjoj organizaciji i sistematizaciji radnih mjesta JU Univerzitet u Zenici i Pravilnikom o izmjenama i dopunama Pravilnika o unutrašnjoj organizaciji i sistematizaciji radnih mjesta JU Univerzitet u Zenici, koji zainteresovani kandidati mogu pogledati na web stranici: www.unze.ba.

III

Prijavu na Oglas kao i kraću biografiju kandidati su dužni vlastoručno potpisati.

Dokazi o ispunjavanju traženih općih i posebnih uslova moraju biti priloženi u originalu ili ovjerenoj fotokopiji, s ovjerom ne starijom od 3 (tri) mjeseca od datuma objave Oglasa.

Ako je diploma stečena u inostranstvu, kandidati su obavezni dostaviti i rješenje o nostrifikaciji ili priznavanju iste u Bosni i Hercegovini.

S kandidatima koji budu ispunjavali uslove Oglasa za radna mjesta pod tačkama I 1. i I 2. (Rukovodilac Službe za finansijske, knjigovodstvene i poslove javne nabavke i Sekretar OJ Metalurško-tehnološki fakultet) komisije za izbor kandidata za popunu upražnjenog radnog mjesta će u postupku izbora kandidata izvršiti prethodnu provjeru stručnih znanja i radnih sposobnosti kandidata putem pismenog i usmenog stručnog ispita sa svakim od kandidata.

S kandidatima koji budu ispunjavali uslove Oglasa za radna mjesta pod tačkama I 3. i I 4. (Tehničar za IKT podršku i Referent za poslove zaštite na radu i zaštite od požara) komisije za izbor kandidata za popunu upražnjenog radnog mjesta će u postupku izbora kandidata izvršiti prethodnu provjeru stručnih znanja i radnih sposobnosti kandidata putem usmenog intervjua sa svakim od kandidata.

Oblast za pismeni i usmeni stručni ispit za radna mjesta pod tačkama I 1. i I 2. odnosi se poznavanje funkcionisanja stručnih službi Rektorata Univerziteta u Zenici, zakonskih i internih propisa koji se odnose na opis poslova radnih mjesta, poznavanje postupaka javnih nabavki i drugo.

Stručna literatura za pismeni i usmeni stručni ispit za radno mjesto pod tačkom I 1. je: Okvirni zakon o visokom obrazovanju u BiH, Zakon o visokom obrazovanju ZDK, Zakon o JU Univerzitet u Zenici, Zakon o budžetima u FBiH, Pravilnik o načinu uplate javnih prihoda u FBiH, Zakon o

doprinosima u Federaciji BiH, Zakon o PDV, Zakon o javnim nabavkama, Statut Univerziteta u Zenici (Prečišćeni tekst), Pravilnik o vrsti načinu i rokovima raspodjele vlastitih prihoda JU Univerzitet u Zenici, Procedura za realizaciju projekata na Univerzitetu u Zenici i Procedura za nabavku roba, usluga i radova Univerziteta u Zenici.

Stručna literatura za pismeni i usmeni stručni ispit za radno mjesto pod tačkom I 2. je: Okvirni zakon o visokom obrazovanju u BiH, Zakon o visokom obrazovanju ZDK, Zakon o JU Univerzitet u Zenici, Statut Univerziteta u Zenici (Prečišćeni tekst), Pravilnik o radu JU Univerzitet u Zenici, Pravilnik o unutrašnjoj organizaciji i sistematizaciji radnih mjesta JU Univerzitet u Zenici i Pravilnik o plaćama, dodacima na plaću i naknadama po osnovu rada radnika Univerziteta u Zenici.

Oblast za usmeni intervju za radno mjesto pod tačkom I 3. odnosi se na poslove održavanja i instaliranja softvera (sistemski, korisnički, antivirusni), kontrolu i osiguranje ispravnosti i funkcionalnosti računarskih i informacionih sistema, antivirusnu zaštitu servera i računara. Stručna literatura koja se koristi PC nije bauk II, koja se može preuzeti na linku:

https://www.researchgate.net/publication/236146695_PC_nije_bauk_II

Oblast za radno mjesto pod tačkom I 4. odnosi se mjere zaštite na radu i zaštite od požara, organizovanje i otklanjanje nedostataka na uređajima i objektima sa aspekta zaštite na radu i zaštite od požara, provođenje posebnih mjera zaštite u slučajevima kada prijeti neposredna opasnost za život i zdravlje radnika, stanje tehničke, kolektivne i lične zaštite, ispravnost sredstava za gašenje požara (aparati za gašenje požara, hidranti). Stručna literatura koja se koristi je: Zakon o zaštiti na radu FBiH, Pravilnik o radu JU Univerzitet u Zenici i drugi interni akti Univerziteta.

Ukoliko pozvani kandidati, koji budu ispunjavali uslove Oglasa, ne pristupe prethodnoj provjeri stručnih znanja i radnih sposobnosti smatrat će se da su odustali od Oglasa.

Izabrani kandidat dužan je u roku od 15 (petnaest) dana po konačnosti odluke o izboru dostaviti uvjerenje o državljanstvu, ne starije od 3 (tri) mjeseca, uvjerenje o nevođenju krivičnog postupka, ne starije od 3 (tri) mjeseca, uvjerenje o neosuđivanju, ne starije od 3 (tri) mjeseca i uvjerenje o općoj zdravstvenoj sposobnosti, ne starije od 3 (tri) mjeseci, naslovljeno na Komisiju za izbor kandidata za prijem u radni odnos.

Sa izabranim kandidatom zaključit će se ugovor o radu na neodređeno vrijeme.

IV

Prijave s dokazima o ispunjavanju uslova iz Oglasa dostaviti u zatvorenoj koverti na adresu: UNIVERZITET U ZENICI, ulica Fakultetska broj 3., 72 000 Zenica, s naznakom "Prijava na oglas za radno mjesto _____ i s naznakom NE OTVARATI".

Rok za podnošenje prijava na oglas je 8 (osam) dana od dana objavljivanja.

Neuredne, nepotpune i neblagovremene prijave neće se razmatrati.